

Неделя 3-я по Пасхе, св. жен-мироносиц. Глас 2.

НА ГОСПОДИ, ВОЗЗАХ СТИХИРЫ ВОСКРЕСНЫЕ, ГЛАС 2:

1. Стих: Изведи из темницы душу мою, // исповедатися имени Твоему.

Прежде век от Отца Рождшемуся Божию Сло́ву, / Воплощшемуся от Девы Мари́и, / придите, поклонимся: / крест бо претерпев, / погребению предадеса, яко Сам восхотé: / и воскресе из мёртвых, // спасе мя заблуждающаго челове́ка.

2. Стих: Мене ждут праведницы, // дондеже возда́си мне́.

Христос Спа́с на́ш, / еже на ны рукописание пригвоздив на Кресте загла́ди, / и сме́рную держа́ву упраздн́и: // поклоняемся Его Трдневному Воскресéнию.

3. Стих: Из глубины возвах к Тебе, Господи, // Господи, услыши глас мой.

Со Архангелы воспоим Христово Воскресéние: / Той бо есть Избавитель и Спас душ на́ших, / и в сла́ве страшней и крепцей си́ле, // паки грядет судити миру, егóже созда́.

4. Стих: Да будут уши Твои // внимлюще гласу моле́ния моего́.

Тебе распеншагося и погребённаго, / Ангел проповеда Владыку, и глаго́лаше жена́м: / придите видите, идеже лежа́ше Госпо́дь: / воскресе бо, якоже рече, яко всеси́лен. / Темже Тебе поклоняемся единому безсме́ртному, // Жизнодавче Христе, поми́луй нас.

5. Стих: Аще беззакония назриши, Господи, Господи, кто постоит? // Яко у Тебе очищение есть.

Крестом Твоим упразднил еси, юже от древа клятву, / погребением Твоим умертвил еси смерти держа́ву: / востанием же Твоим просветил еси род человеческий. / Сего ради вопием Ти: // благодетелю Христе Боже наш, слава Тебе.

6. Стих: Имене ради Твоего потерпех Тя, Господи, потерпе душа моя в слово Твое, // упова душа моя на Господа.

Отверзошася Тебе Господи, страхом врата смертная,/ вратницы же адовы видевшие Тя, убояшася:/ врата бо медная сокрушил еси,/ и верей железныя стерл еси,/ и извел еси нас от тьмы и сени смертныя,// и узы наша растерзал еси.

7. Стих: От стражи утренняя до ночи, от стражи утренняя,// да уповаеет Израиль на Господа.

Спасительную песнь поюще, от уст возслем:/ приидите вси, в дому Господнем припадем, глаголюще:/ на Древе распныйся, и из мертвых воскресый,/ и сый в недрах Отчих,// очисти грехи наша.

Стихиры праздника Троицы (Недели Мироносиц), глас 2:

8. Стих: Яко у Господа милость, и многое у Него избавление,// и Той избавит Израиля от всех беззаконий его.

Мироносицы жены, утро глубокую,/ ароматы взявша, Господня гроба достигоша,/ яже не надеяхуся обрещи/ помышляху благоговеюще каменному отвалению,/ и друга ко друзей глаголаху:/ где суть печати гроба;/ где есть Пилатова кустодия, и опасное утверждение?/ Бысть же возвеститель не разумевающим женам,/ блистаясь Ангел, и глаголяй к ним:/ что с рыданием ищите живаго и оживотворившаго род человеческий?/ Воста Христос Бог наш из мертвых яко всемогущ, / подавай всем нам нетление и жизнь,// просвещение и велию милость.

9. Стих: Хвалите Господа вси языцы,// похвалите Его вси людие.

Почто мира со слезами, о ученицы растворяете,/ камень отвалися, гроб истощися:/ видите тлю животом попоранную,/ печати свидетельствующая явственно,/ спящих люте стражники непокоривых,/ смертное спасеся плотию Божиею, ад рыдает./ Текша радостию рцыте апостолом:/ умертвивый смерть Христос, первоужден из мертвых,// вас предваряет в Галилеи.

10. Стих: Яко утвердися милость Его на нас,// и истина Господня пребывает во век.

Мироносицы рано бывша,/ и гроб Твой со тщанием достигша,/ искаху Тебе Христе, во еже помазати пречистое тело Твое./ И ангеловыми глаголы огласившися,/ радостотворныя образы апостолом проповедаху,/ яко воскресе Начальник спасения нашего, пленивый смерть,/ миру же даруяй живот вечный// и велию милость.

Слава, глас 6:

Мироносицы жены, гроба Твоего достигша,/ и печати гробныя видевша,/ не обретша же пречистаго тела Твоего,/ рыдающа со тщанием приидоша, глаголюща:/ кто украде наше упование;/ кто взят мертв нага смирною помазана,/ Матери едино утешение?/ О како мертвыя ожививый умертвися;/ ад пленивый, како погребёся?/ Но воскресни Спасе самовластно,/ якоже рекл еси,// тридневен, спасаая души наша.

И ныне, глас 2:

Прежде сень законная,/ благодати пришедши:/ якоже бо купина не сгараше опаляема,/ тако Дево родила еси,/ и Дева пребыла еси./ Вместо столпа огненнаго, праведное возсия Солнце:/ вместо Моисея, Христос,// спасение душ наших.

Прокимен воскресный: Господь воцарися, в лепоту облечеса.

НА СТИХОВНЕ СТИХИРА ВОСКРЕСНАЯ, ГЛАС 2:

Воскресение Твое, Христе Спасе,/ всю просвети вселенную,/ и призвал еси Твое создание,// Всесильне Господи, слава Тебе.

Стихиры Пасхи, глас 5.

Слава Стихира праздника, глас 5.

Тебе, одеющагося светом яко ризою,/ снем Иосиф с Древа с Никодимом,/ и видев мертв нага непогребенна,/ благосердный плач восприим,/ рыдая глаголаше:/ увы мне, сладчайший Иисусе!/ Егоже в мале солнце на Кресте висима узревше,/ мраком облагашеся,/ и земля страхом колебашеся,/ и раздирашеся церковная завеса:/ но се ныне вижу Тя,/ мене ради волею подъемша смерть./ Како погребу Тя Боже мой;/ или како плащаницею об-

вию;/ ко́има ли рукама прикоснуса нетленному Твоему тѣлу;/ или́ кия песни воспую Твоему исходу, Ще́дре;/ величаю стра́сти Твоѧ,/ песносло́влю и погребение Твое, со Воскресе́нием, зовый:// Го́споди, сла́ва Тебе́.

И ныне, Пасхи, глас 5: Воскресения день:

Богородице Дево: Трижды.

Псалом 33:

Благословлю Господа на всякое вре́мя,/ выну хвала Его во устѣх моих./ **О** Господе похвалится ду́ша моя,/ да услышат кротцыи, и возвеселя́тся./ **В**озвеличите Господа со мно́ю,/ и вознесем Имя Его вку́пе./ **В**зысках Господа, и услы́ша мя,/ и от всех скорбей моих изба́ви мя./ **П**риступите к Нему, и просвети́тея,/ и лица ваша не посты́дятся./ **С**ей нищий воззва, и Госпо́дь услы́ша и,/ и от всех скорбей его спасе́ и./ **О**полчится ангел Господень окрест бо́ящихся Его́,/ и изба́вит их./ **В**кусите и видите, яко бла́г Госпо́дь:/ блажен муж, иже упова́ет На́нь./ **Б**ойтеся Господа, вси святѧи Его́,/ яко несть лишения бо́ящимся Его́./ **Б**огатии обнищаша и взалка́ша:/ взыска́ющие же Го́спода// не лишатся всякаго бла́га.

Аминь. Христос воскрес: Трижды.

НА «БОГ ГОСПОДЬ» ТРОПАРЬ ВОСКРЕСНЫЙ, ГЛАС 2:

Егда́ снизшел еси к смерти, Животе Безсме́ртный,/ тогда́ ад умертвил еси блиста́нием Божества́;/ егда́ же и умершия от преисподних воскресѧ еси,/ вся́ Силы Небесныя взыва́ху:// Жизнодавче, Христе Боже наш, сла́ва Тебе. **Дважды.**

Слава, Тропарь праздника Троицы (Недели Мироносиц), глас 2:

Благообразный Ио́сиф,/ с Дре́ва снем Пречистое Тѣло Твоѧ,/ плащаницею чи́стою обвив,/ и благоуха́ньми, во гробе нове, закрыв, положи́,/ но тридне́вен воскресл еси, Го́споди,// пода́й ми́рости велию ми́лость.

И ныне, второй тропарь праздника Троицы (Недели Мироносиц), глас 2:

Миронóсицам женам,/ при грóбе представ Ангел, вопи́яше:/
Мíра мертвым суть прилiчна,/ Христóс же истления явiся
чуждъ./ Но возопiйте: воскресе Господь, // подай миру велию
мiлость.

Тропари воскресные, глас 5: Благословен еси, Господи,/ научи мя
оправданием Твоим./

Степенна, глас 2: Прокимен, глас второй: Востани, Господи, Боже
мой, повелением, имже заповедал еси,/ и сонм людей обыдет Тя.

Воскресение Христово: Трижды.

Канон Пасхи, глас 1:

Ирмос: Воскресения дeнь,/ просветимся, лю́дие./ Пáсха, Господня
Пáсха:/ от смерти бо к жи́зни,/ и от земли к небесi,/ Христóс Бог
на́с преведе́, // победную пою́щия.

Христос воскрес из мертвых. Очистим чувства, и ўзрим/ непри-
ступным свeтом/ Воскресeния, Христá/ блиста́ющася,/ и радуйте-
ся, реку́ща,/ ясно да услы́шим, // победную пою́ще.

Христос воскрес из мертвых. Небеса убо достойно да веселя́тся,/
земля же да радуется,/ да прáзднует же мiр,/ ви́димый же вeсь и
невидимый:/ Христóс бо воста́, // веселие вeчное.

Пресвятая Богородице, спаси нас. Умерщвления предел сломiла
еси́,/ вечную жизнь рóждшая Христá,/ из гроба возсия́вшего
днeсь,/ Дево Всенепорóчная, // и мир просвети́вшего.

Пресвятая Богородице, спаси нас. Воскрeсшаго видевши Сына Тво-
его и Бóга,/ раду́йся со апостолы Богоблагодатная Чiстая:/ и еже
раду́йся пeрвее,/ яко всех радости вина, восприя́ла еси́, // Богомати
Всенепорóчная.

Канон праздника Троицы (Недели Мироносиц), глас 2:

Слава Тебе, Боже наш, слава Тебе. Распялся еси плотию, без-
страстный естеством Отчим:/ прободен был еси в ребра, источивый
миру кровь и воду:// Ты Бог наш, и прославляем Тя. **И т.д.**

Катавасия Пасхи:**Песнь 3:**

Ирмос: Приидите, пиво прием н^овое,/ не от камене неплодна чудод^еемое,/ но нетления ист^очник/ из гроба одожд^ивша Христ^а,// в Немже утвержда^емся.

Христос воскресе из мертвых. Ныне вся исполнишася св^ета,/ небо же и земля, и преисп^одня:/ да празднует убо вся тварь/ востание Христ^ово,// в немже утвержда^ется.

Христос воскресе из мертвых. Вчера спогребохся Теб^е Христ^е,/ со-востаю днесь/ воскр^есшу Теб^е,/ сраспинахся Теб^е вчера,// Сам мя спрослави Спасе во Ц^арствии Тво^ем.

Пресвятая Богородице, спаси нас. На нетленную жизнь прихожд^у днесь/ благостию рождшагося из Тебе, Ч^истая,// и всем концем свет облист^авшего.

Пресвятая Богородице, спаси нас. Бога, Егоже родила еси пл^отию,/ из мертвых, я^коже реч^е,/ воставша видевши, Ч^истая, лик^уй,// и Се-го яко Бога Преч^истая возвеличай.

Канон праздника Триоди (Недели Мироносиц), глас 2:**Кондак Пасхи, глас 8:**

Аще и во гр^об снишел еси, Безсм^ертне,/ но ^адову разрушил еси ^асилу,/ и воскр^есл еси, яко победитель, Христ^е Б^оже,/ женам мирон^осицам вещавый: радуйтесь,/ и Твоим ап^остолом мир д^аруй,// падшим подай воскрес^ение.

Икос:

Еже прежде солнца Солнце зашедшее иногда во гр^об,/ предвариша ко утру,/ ищущия яко дне мироносицы д^евы,/ и друга ко друзей воп^ияху:/ о другини! Приидите, вонями помажем тело живоносное и погреб^еное,/ плоть воскресившаго падшаго Адама, лежащую во гр^обе./ Идем, потщимся якоже волсви, и поклон^имся,/ и принесем мира яко дары, не в пеленах, но в плащанице обв^итому,/ и плачим, и возоп^им:/ о Владыко, вост^ани,// падшим подай воскрес^ение.

Песнь 4:

Ирмос: На Божественней стражи/ богоглаголивый Аввакум/ да станет с нами, и покажет/ светоносна Ангела,/ ясно глаголюща:/ днесь спасение миру,/ яко воскресе Христос, // яко всесильен.

Христос воскрес из мертвых. Мужеский убо пол,/ яко разверзый девственную утробу,/ явился Христос:/ яко человек же,/ Агнец наречется:/ непорочен же,/ яко невкусен скверны,/ наша Пасха,/ и яко Бог истинен // совершен речется.

Христос воскрес из мертвых. Яко единоклетный агнец,/ благословенный нам венец Христос,/ волею за всех заклан бысть,/ Пасха очистительная,/ и паки из гроба красное // правды нам возсия Солнце.

Пресвятая Богородице, спаси нас. Создавый Адама, Твоего праотца, Чистая,/ зиждется от Тебе,/ и смертное жилище разори Своею смертию днесь,/ и озари вся // божественными блистаньями воскресения.

Пресвятая Богородице, спаси нас. Егоже родила еси Христа,/ прекрасно из мертвых возсиявша, Чистая, зрящи,/ добрая и непорочная в женах и красная,/ днесь во спасение всех, // со апостолы радующися, Того прославляй.

Песнь 5:

Ирмос: Утренюем утреннюю глубокую,/ и вместо мира песнь принесем Владыце,/ и Христа узрим/ правды Солнце, // всем жизнь возсияющая.

Христос воскрес из мертвых. Безмерное Твое благоутробие,/ адовыми узами содержимии зряще,/ к свету идящу, Христэ,/ веселыми ногами, // Пасху хваляще вечную.

Христос воскрес из мертвых. Приступим священоснии,/ исходящу Христу из гроба, яко жениху,/ и спразднуем любопразднственными чинми // Пасху Божию спасительную.

Пресвятая Богородице, спаси нас. Просвещается божественными лучами и живонóсными/ воскресения Сы́на Твоего́,/ Богомати Пре-чíстая, // и радости исполняется благочестивых собра́ние.

Пресвятая Богородице, спаси нас. Не разверзл еси врата девства в воплоще́нии,/ гроба не разрушил еси печáтей,/ Царю создáния:/ отонудуже воскресшаго Тя зря́щи, // Мати, ра́довашеся.

Песнь 6:

Ирмос: Снизшел еси в преиспóдня земли́,/ и сокрушил еси верей вéчных,/ содержащая свя́занныя, Христé,/ и тридневен, яко от кита Ио́на, // воскресл еси от грóба.

Христос воскрес из мертвых. Сохранив цела зна́мения Христé,/ воскресл еси от грóба,/ ключи Девы невре́дивый в рождестве́ Твоём,/ и отвэ́рзл еси на́м // райския двéри.

Христос воскрес из мертвых. Спа́се мой,/ живое же и нежертвенное заколе́ние,/ яко Бо́г Сам Себе́/ волею привéл Отцу́,/ совоск्रेसил еси всероднаго Ада́ма, // воскрес от грóба.

Пресвятая Богородице, спаси нас. Возведеся древле держимое смертию и тлэ́нием,/ воплотившимся от Твоего пречистаго чрэ́ва,/ к нетленней и присносу́щней жи́зни, // Богородице Де́во.

Пресвятая Богородице, спаси нас. Сниде в преиспóдня земли́,/ в ложесна Твоя, Чистая, сше́дый,/ и вселивыйся и воплотивыйся па́че ума́,/ и воздвиже с Собою Ада́ма, // воскрес от грóба.

Кондак праздника Триоди (Недели Мироносиц), глас 2:

Рáдоватися мироносицам повелéл еси́,/ пла́ч праматере Евы уто-ли́л еси́/ воскресéнием Твоим, Христе Бо́же,/ апóстолом же Твоим проповедати повелéл еси: // Спас воскресе от грóба.

Песнь 7:

Ирмос: Отроки от печи избáвивый,/ бы́в Человéк,/ страждет яко смéртен,/ и страстию смéртное,/ в нетления облачит благоле́пие,/ Еди́н благословéн // отцев Бог, и препросла́влен.

Христос воскрес из мертвых. Жены с миры богомудрыя в след Тебе течáху:/ Егоже, яко мертва, со слезами иска́ху,/ поклонишася радующияся Живому Бо́гу,/ и Пасху та́йную// Твоим, Христе, учеником благовести́ша.

Христос воскрес из мертвых. Смерти празднуем умерщвлéние,/ адово разрушéние,/ иного жития вечнаго нача́ло,/ и играюще поем Виновнаго,/ Единого благословéннаго// отцев Бога, и препросла́вленнаго.

Пресвятая Богородице, спаси нас. Умертвив Сы́н Твой смерть,/ Всенепорóчная, днесь,/ всем смертным пребыва́ющий живóт/ во веки веко́в дарова́,/ един благословéнный// отцев Бог и препросла́вленный.

Пресвятая Богородице, спаси нас. Всем царствуяй создáнием,/ б́ыв человек,/ вселися в Твою, Богоблагодатная, утробу,/ и распятие претерпéв и смéрть,/ воскресе боголéпно,// совозставив нас яко всесýлен.

Песнь 8:

Ирмос: Сей нареченный и святы́й день,/ Един суббот Цáрь и Господь,/ прáздников прáздник/ и торжество́ есть торжéств,// вонъже благословим Христа во вéки.

Христос воскрес из мертвых. Приидите, новаго винограда рождéния,/ Божественнаго весéлия,/ в нарочитом дни Воскресéния,/ Царствия Христова приобщímся,/ поюще Егó,// яко Бога, во вéки.

Христос воскрес из мертвых. Возведи окрест очи твои, Сиóне, и ви́ждь:/ се бо приидóша к тебе́,/ яко богосветлая свети́ла,/ от запада, и севера, и мóря,/ и востока ча́да твоя́,// в тебе благословящая Христа во вéки.

Пресвятая Богородице, спаси нас. Прииде Тобою в мýр Господь,/ Дево Богорóдице,/ и чрево áдово растóрг,/ смертным нам воскресéние дарова́:// Темже благословим Его во вéки.

Пресвятая Богородице, спаси нас. Всю низложив смерти державу
Сын Твой, Дёво,/ Своим воскресением,/ яко Бог крепкий совознесе
нас и обожит:// темже воспеваем Его во веки.

Песнь 9:

Ирмос: Светися, светися,/ нóвый Иерусалиме:/ слава бо Господня/
на тебе возсия./ Ликуй ныне/ и веселися, Сионе./ Ты же, Чистая,
красуйся, Богородице,// о востании Рождества Твоего.

Христос воскрес из мертвых. О Божественного, о любезного,/ о
сладчайшего Твоего гласа!/ С нами бо неложно/ обещался еси
быти,/ до скончания века, Христэ:/ Егоже, вернии,// утверждение
надежды имуще, радуемся.

Христос воскрес из мертвых. О Пасха велия и священнейшая,
Христэ!/ О мудроте, и Слове Божий, и сіло!/ Подавай нам истее
Тебе причащатися,// в невечернем дни Царствия Твоего.

Пресвятая Богородице, спаси нас. Согласно, Деве, Тебе блажим
вернии:/ радуйся, дворе Господня:/ радуйся, граде одушевленный:/
радуйся, Еяже ради нам ныне возсия свет,// из Тебе Рожденного из
мертвых Воскресения.

Пресвятая Богородице, спаси нас. Веселися и радуйся божественная
двере Света:/ зашедый бо Иисус во гроб возсия,/ просияв
солнца светлее,/ и верныя вся озарив,// Богорадованная Вла-
дычице.

Свят Господь Бог наш.

Светилен Пасхи: Плотию уснув:

Слава, Светилен праздника Троицы (Недели Мироносиц): Жены
услышите глас радования:/ мучителя ада поправый, от тли мир воз-
движе,/ тецйте, другом рцйте Моим благовестия:/ хочу бо созда-
ние Свое радостию озарити,// отонудуже прииде печаль.

И ныне, тойже.

НА ХВАЛИТЕХ СТИХИРЫ ВОСКРЕСНЫЕ, ГЛАС 2:

1. Стих: Сотворити в них суд написан:/ слава сия будет всем преподобным Его.

Всякое дыхание и вся тв́арь,/ Тя славит, Гóсподи,/ я́ко Крестом смерть упразднѝл есѝ,/ да покажеши людем, еже из мертвых Твое Воскресѣние,// я́ко един Человеколюбец.

2. Стих: Хвалите Бога во святых Его,/ хвалите Его в утверждении силы Его.

Да рекут иудѣи,/ како воины погубиша стрегу́щии Царя́?/ Почто́ бо камень не сохрани Камене жѝзни?/ Или погребѣннаго да дадѣт,/ или Воскресшему да поклонятся, глаголюще с нами:/ сла́ва множеству щедрóт Твоѝх,// Спасе наш, сла́ва Тебе.

3. Стих: Хвалите Его на силах Его,/ хвалите Его по множеству величества Его.

Радуйтесь, людие, и веселитесь,/ Ангел седя́й на камени гробнем,/ той нам благовести, рек:/ Христос воскресе из мертвых, Спас мира,/ и исполни всяческая благоухания:// радуйтесь, людие, и веселитесь.

4. Стих: Хвалите Его во гласе трубнем,/ хвалите Его во псалтири и гуслех.

Ангел убо, еже радуйся,/ прежде Твоего зачатия, Господи, Благодатней принесе;/ Ангел же камень славнаго Твоего гроба в Твоем Воскресении отвали./ Ов убо в печали место, веселия образы возвещая:/ сей же вместо смерти, Владыку Жизнодавца проповедуя нам./ Темже вопием Ти:// Благодетелю всех, Господи, слава Тебе.

5. Стих: Хвалите Его в тимпане и лице,/ хвалите Его во струнах и органе.

Возлияша мира со слезами на гроб Твой жены,/ и исполнишася радости уста их,// внемда глаголати: воскресе Господь.

6. Стих: Хвалите Его в кимвалех доброголасных, хвалите Его в кимвалех восклицания./ Всякое дыхание да хвалит Господа.

Да похвалят языцы и людие Христа Бога нашего,/ волею нас ради Крест претерпевшаго,/ и во аде тридневновавшаго,/ и да поклонятся Его из мертвых Воскресению,// имже просветишася всего мира концы.

7. Стих: Воскресни Господи Боже мой, да вознесется рука Твоя,/ не забуди убогих Твоих до конца.

Распят и погребен был еси, Христе, якоже изволил еси,/ испровергл еси смерть, и воскресл еси во славе,/ яко Бог и Владыка,/ даруя миру жизнь вечную,// и велию милость.

8. Стих: Исповемся Тебе Господи всем сердцем моим,/ повем вся чудеса Твоя.

О воистинну беззаконнии,/ печатавше камень, больших нас чудес сподобисте!/ Имут разум стражие,/ днесь пройде из гроба, и глаголаху:/ рцыте, яко нам спящим,/ приидоша ученицы, и украдоша Его./ И кто крадет мертвеца, паче же и нага;/ Сам воскресе самовластно, яко Бог,/ оставь во гробе и погребательная Своя./ Приидите, видите, иудее,/ како не расторже печати, смерть поправый/ и роду человеческому безконечную жизнь даруяй,// и велию милость.

Слава: Евангельская утренняя стихира II, глас 2

С миры пришедшим яже с Маріею женам,/ и недоумевáющимся,/ како будет им уллучити желáние,/ явися кáмень взят,/ и Божественный юноша утоляя мятеж дúш их,/ востá бо, глаголет, Иисúс Господь./ Темже проповедите проповéдником Егó,/ учеником в Галилею тещи,/ и видети Его воскресша из мёртвых,// яко Жизнодавца и Гóспода.

И ныне: Преплагословенна:

Тропарь воскресный, глас 2: Воскрес из гроба и узы растерзал еси ада,/ разрушил еси осуждение смерти, Господи,/ вся от сетей врага избавивый;/ явивый же Себе апостолом Твоим,/ послал еси я на проповедь,/ и теми мир Твой подал еси вселенней,// Едине Многомилостиве.

НА ЛИТУРГИИ ПО ВХОДЕ ТРОПАРЬ ВОСКРЕСНЫЙ, ГЛАС 2:

Егда снизшел еси к смерти, Животе Безсмертный, / тогда ад умертвил еси блистанием Божества; / егда же и умершия от преисподних воскресил еси, / вся Силы Небесныя взываху: // Жизнодавче, Христе Боже наш, слава Тебе.

Тропарь праздника Триоди (Недели Мироносиц), глас 2:

Благообразный Иосиф, / с Древа снем Пречистое Тело Твое, / плащаницею чистою обвив, / и благоуханьми, во гробе нове, закрыв, положи, / но тридневен воскресл еси, Господи, // подай миру ви велию милость.

Слава, Кондак праздника Триоди (Недели мироносиц), глас 2:

Радоватися мироносицам повелел еси, / плач праматере Евы утлил еси / воскресением Твоим, Христе Боже, / апостолом же Твоим проповедати повелел еси: // Спас воскресе от гроба.

И ныне, кондак Пасхи, глас 8:

Аще и во гроб снизшел еси, Безсмертне, / но адову разрушил еси силу, / и воскресл еси, яко победитель, Христе Боже, / женам мирноносицам вещавый: радуйтесь, / и Твоим апостолом мир даруй, // падшим подай воскресение.

Прокимен Праздника Триоди (Недели мироносиц), глас 6: Спаси Господи люди Твоя, / и благослови достояние Твое.

Задостойник Пасхи:

Причастны:

Пасхи: Тело Христово примите, источника безсмертнаго вкусите.

Воскресный: Хвалите Господа с небес, хвалите Его в вышних.

После Причастия:

Иерей: Спаси Боже люди Твоя, и благослови достояние Твое.

Христос воскресе из мертвых, / смертию смерть поправ// и сущим во гробех живот даровав. **(Единожды, протяжно)**

Иерей: Всегда ныне и присно, и во веки веков.

Хор: Аминь. Да исполнятся уста наша хваления Твоего, Господи, яко да поем славу Твою, яко сподобил еси нас причаститься Святым Твоим, Божественным, Безсмертным и Животворящим Тайнам; соблюди нас во Твоей святости, весь день поучатися правде Твоей. Аллилуиа, аллилуиа, аллилуиа.

Далее как обычно до возгласа:

Иерей: Слава Тебе, Христе Боже, Упование наше, Слава Тебе.

Хор: Христос воскресе из мертвых, / смертию смерть поправ// и сущим во гробех живот даровав. **(Трижды)**

Воскресный отпуст:

Воскресый из мертвых Христос, Истинный Бог наш, молитвами Пречистыя Своея Матере...

И осеняет предстоящих Крестом на три стороны, громко произнося при каждом осенении:

Иерей: Христос воскресе! **Люди:** Воистину воскресе!

Хор: Христос воскресе из мертвых, / смертию смерть поправ// и сущим во гробех живот даровав. **(Трижды, поскорю)**

И нам дарова живот вечный, покланяемся Его тридневному Воскресению.

Многолетие: